

nobiles viros senatum appellantes, preesse voluerunt. Illi^a vero duodecim tribunos ordinaverunt et insuper tres ditatores civitati ordinaverunt. Deinceps pretores, qui plateis^b civitatis et serviciis regionis preessent, disposuerunt; et alias multas dignitates, secundum officia civitatis, decreverunt. Sed et ditatura^c per quinquenium tribus abendam^d, uni ut iusticie civitatis preesset, alios duos ut reges Romano imperio subiugarent, in analibus libris scripserunt. Eodem tempore dictatura fuit his tribus: Ponpeio, Cesari, Marco^e Crasso. Marcus Crassus missus fuit contra Parthos^f, Romano nomini infestos: qui aurum ab ipsis requirens, et stulte eorum civitatem ingrediens, ab ipsis est interfectus; et omnis Romana milicia in partibus illis remansit, de quibus Turcorum inde^g multitudo exivit. Pompeius, tanquam pater, ad custodiendam civitatem remansit. Cesar^h missus fuit in adiutorium Treverenensiumⁱ, Lotoricorum, Bargodicorum^j, Alobrogum et Francorum; quos Brenus dux Suevorum fere^k subiugaverat. Cum quo bellum inhiit ipsumque depullit; que eius milites in bello cedere viderunt, eius capud detruncaverunt, et Cesari presentaverunt que fecerunt. Sed Cesar, ut^l lectus^m de victoria que non sua fecit spata, finito quinquenio, per alios quinque annos absque senatus precepto stare decrevit, et Teutonicisⁿ bellum annuntiavit. Duobus luxtris explectis, Alpes transendit, in Italia^o repedavit, et arcem edificavit, cuius nomen Verona, id est Veroine^p: et inde nuntios Romam direxit^q, ut eum cum triumpho, sicuti debebant, victorem recipere. Ponpeius, cum senatoribus et cuncto populo, non tantum voluerunt eum recipere, verum et capitali sententia decreverunt subesse. Quod Cesar audiens, collecta militum ac pedestrium delecta^r multitudo iuvenum, armata manu Romam appropinquantes^s et^t vicinum Ariminum invasit. Romani hoc autem^t audientes, ingenti timore perculsi, sicut solet fieri^u, maiora de magnis dicebant, et unus ad^t alteri recidendo^v, ingentem augmentando timore^w. Ponpeius suos terore invasos ut novit, cum sapientibus consilium habuit: et que^z novit timorem in omnibus preliis principium se perdendi, ne civitas devastaretur, Rome bellum committere nolluit; set cum nobilibus et cum toto populo, relicta civitate, Brundisium fugierunt.

Iulius^x Cesar intelligens, Romam ire noluit, set eos sequi decrevit. Brundisium^y igitur veniens, terra et mari eos obsedit et ligneas turres super aratra ad introitum portus hedificavit.

a) ipsi 3. b) platheis 3. c) ditaturam 3. d) habendam 3. e) et M. 3.
f) Parcos 2. g) ī 2; deest 3. h) vero addit 3. i) treūenens 2. 3. k) ferre 2.
l) ras. 3. m) letus 3. n) Teuntonicis 2; Teuthonicis 3. o) Italiam 3. p) ve
rome? 3 q) dixerit 2. r) de electa 3. s) appropinquans corr. 3. t) deest 3.
u) ita 3; fuit 2 (fuerit? fiunt?) v) recitando 3. w) timorem 3. x) . . . ius 2;
quod corr. 3. y) Brundisium 3.

1) Burgundiorum? 2) i. e. quia.